

ახალი

# სიტყვა

№ 7

ორკვირეული ჟურნალი.

№ 7.

### შემდეგი № გამოვა 30 ივნისს.

მიიღება ხელის მოწერა სასულიერო მთავრობისაგან დამოუკიდებელ ორკვირულ ჟურნალ „ახალ სიტყვაზე.“ ჟურნალის მიზანია ჩვენის ეკლესიის ცხოვრების განახლება წმ. სახარების ნიადაგზე და ბრძოლა უსამართლობასთან და ფარისევლობასთან სასულიერო უწყებაში.

ხელის მოწერის ფასი ნახევარის წლით ცხრა მანეთია. ცალკე ნომერი ოთხი აბაზი. რედაქცია სთხოვს სამრიგლო საბჭოებს,

შეგნებულ სასულიერო და საერო მორწმუნე პირთ დახმარება აღმოუჩინონ მას ჟურნალის გამოწერით და ერთ ღროული შემოწირულობით სარედაქციო ფონდისათვის.

ფული მიიღება რედაქციის მოლარე დეკანტონ თოთიბაძესთან: ტფილისი, სიონის ტაძრის ეზოში.

სარედაქციო მასალები და წერილები უნდა გამოიგზავნოს სარედაქციო კოლლეგიის რწმუნებულ მღ. ქრ. ციციშვილთან: ტფილისი, კაბგეროვის ქუჩა, № 47. რედაქცია იმავე ქუჩაზე: № 51

### კანონ-პროექტი სასწავლებლებიდან სასულიერო პირთა განდევნის შესახებ.

ასეთი კანონ-პროექტი შეუმუშავებია ამიერ-კავკასიის ყოფილ სამოსწავლო კომისარიატს სეიმში შესაქანად. ის კომისარიატის და სეიმის დაიშალა და კანონ-პროექტი განუხილავ დაუმტკიცებელი დარჩა, მაგრამ, შეიძლება, მას თავი არ დაანებონ და ახლა კი მისმა ავტორებმა საქართველოს ეროვნულ საბჭოში შეიტან. ეს მოსალოდნელია, რადგან ჩვენში საზოგადოდ ეშურებიან ის აკეთონ უფრო ჩქარა, რაც ქვეყანას ხვალვე ზიანს მოუტანს და აგვიანებენ იმის კეთებას, ან სულაც აზრად არ მოდისთ თავში, რაც ქვეყანას ამტკიცებს. ჩვენშიაც აღრმავებენ რევოლიუციას, როგორც რუსეთში, მხოლოდ ლენინმა უფრო ჩქარის ტემპით ჩააღრმავა რევოლიუცია და მალე ამ ჯურღნულში თვითონაც ჩავარდება, ალბად.

კანონ-პროექტით საღვთოსჯულის სწავლება უნდა მოიხსნოს სასწავლებლებში სახა-

ზინო ხარჯით, სასულიერო პირთ ნება აღარ უნდა ექნესთ სხვა საგნის (ისტორია, ქართული და სხვა) შტატის მასწავლებლებად დარჩენ. საკუთო სჯულის სწავლების მოსპობა. დაკავშირებულია სახელმწიფოსგან ეკლესიის გამოყოფის საკითხთან. თუ ეს ჩამოშორება სარგებლობას მოუტანს ხალხს, რასაკვირველია, უნდა კიდევ მოხდეს, მაგრამ ჩვენ დიდ მავნებლად მიგვაჩნია ხალხისათვის ეკლესიის გამოყოფა სახელმწიფოსაგან. ასეთი აქტით, დღევანდელს გარემოებაში მაინც, როდესაც არ ვიცით ხვალინდელი დილა რას მოგვტანს, დიდს ზიანს მოუტანს ხალხის ზნეობასაც და ეროვნულ შეგნებასაც. ნურავის ნუ დაიწყებს იმის მტკიცებას, რომ ხალხის დიდ უმრავლესობისათვის რელიგიას არ ჰქონდეს ზნეობრივად გამაფაქიზებელი აზრი. შენიძლება მოიპოვებოდეს თითო-ორორი ისეთი ადამიანი, რომელნიც ურელიგიოთ ზნეობრივად საღი იყონ, მაგრამ უმრავლესობა ასეთ

ურწმუნოთა, უეჭველად, ზნეობრივად სუსტი და, უფრო მეტად ზნედაცემულები არიან. ასეთთა აზრით, კაცი კაცისათვის ძალღია (რომელიც მგელს ამბობდენ). ასეთი აზრ-  
გებიდან გარყვნილებამდე და ყაჩაღობამდე და ყოველ იმ სისაძაგლემდე, რომლის მო-  
წმებიც ვართ დღეს ჩვენ ყველანი, შორი მანძილი აღარ არის. გავიხსენოთ გადაშენე-  
ბის გზაზე დამდგარი საფრანგეთი, სადაც მასის ურწმუნობამ და უზნეობამ, სხვა არა იყოს რა, ხალხის გამაჯვლება ასე საში-  
ნლად შეაჩერა. ცოლ-ქმარს შვილის ყოლაც კი მეტ ბარგად მიაჩნიათ.

გვეტყვიან, რა შუაშია აქ ეკლესიისა და სახელმწიფოს განცალკევება? — მართა-  
ლია, ეკლესია მაინც იარსებებს, მაგრამ მას, შევიწროვებულს, იმდენს სარგებლობის მო-  
ტანა აღარ შეეძლება, როგორც მაშინ, რო-  
დესაც მისი დამხმარე სახელმწიფოა.

საქართველოს ეკლესიის შევიწროვება, გამოიწვევს და ხელს შეუწყობს არამც თუ რელიგიურ-ზნეობრივ დაქვეითებას ხალხში, არამედ ეროვნულ გადაგვარებასაც ამას გვეუ-  
ბნება არა მარტო განუცნებელი მოსაზრე-  
ბანი, არამედ დღევანდელი სამგლოვიარო დაჭრა და ჩამოგლეჯა საქართველოს სხეუ-  
ლის ნაწილებისა. ღმერთმა ჰქმნას, ჩვენი რესპუბლიკა განმტკიცებულიყოს საღ კლდე-  
სავით, მაგრამ ყოველ შემთხვევისათვის, უბუ-  
ნურობა და სიბეცე იქნებოდა ცდა საეკლე-  
სიო ორგანიზაციის დაშლისა. ვინ იცის რა როლს დააკისრებს ჩვენს ეკლესიას ახლო მომავალი?

ახლა ამაზე მეტს არას ვიტყვით, რადგა-  
ნაც საღად მოაზროვნე ქართველისთვის ისე-  
დაც ცხადია. მხოლოდ არ არის ცხადი იმათ-  
თვის, ვისაც უნდა მთელი კაცობრიობა გა-  
აკვირვოს იმით, რომ საქართველოს ისეთი ყოჩაღი მმართველები ჰყავს, რომ ერთის და-  
კვრით სწყვეტენ რთულ საკითხებს და უმა-  
გალითო გამბედაობით მიჰყავთ ხალხი ბედნი-  
ერებისაკენ.

მაშ თუ სარწმუნოება საკეთილო ფაქტო-  
რია ხალხის ცხოვრებაში, სასწავლებლებშიაც უნდა ისწავლებოდეს საღეთო სჯული. მა-  
რთალია, დღევანდელი პროგრამები და მე-  
თოდი ამ საგნის სწავ. ყოვლად დასავლობია, მა-  
გრამ მათი გაუმჯობესება საჭიროა და აუცი-  
ლებელიც. დღეს საღეთო სჯულის სწავლება უნდა შემოღებულიყო ქართულად, და სწო-  
რედ ახლა აღიძრა საკითხი მის მოსპობაზე. წამ-

წყმიდა წამხედურებააო. ჩვენში ანბანი თუ ისწავლა კაცმა, მაშინვე ღმერთს გმობს. გა-  
ნათლებული ქვეყნებში, იშვიათ გამოჩაკლის გარდა, ჩვენებურად რომ მსჯელობდნენ იქ, სარწმუნოება სულ აღარ იქნებოდა, მაგრამ ეს ასე არ არის. იქ განათლებულ ხალხს, ძალიან ხშირად მეცნიერ-ფილოსოფოსებსაც, არამც თუ არ ეთაკილებათ, არამედ დიდ ღი-  
რსებად და სულიერ კმაყოფილებად მიაჩნიათ თვისი რელიგიური რწმენანი.

რაც შეეხება კანონ პროექტის იმ დებუ-  
ლებას, რომ სასულიერო პირთ არ მიეცეს ნება სხვა საგნის სწავლებისა მთავრობის სა-  
სწავლებლებში, ეს ხომ სრული, პირდაპირ სექტანტური მიუკარგებლობაა. არიან ისეთი მღვდელნი, რომელთაც აქვთ სათანადო გან-  
ათლება და კარგადაც აწავლიან საგნებს ნუ თუ ასეთი მღვდელი მაშინ ივარგებს სხვა საგნის მასწავლებლად, თუ გაიძრობს ანაფო-  
რას, ჩაიცვამს პიჯაკს და ისე მოველინება ახალ მთავრობას? ეს არის სამართალი? ამით გინდათ ააშენოთ საქართველო? ჩვენის ფი-  
ქრით მასწავლებლად შეიძლება მომზადებული ანაფორიანი სჯობდეს მოუშვადებელ ერის კაცს. თუ სასულიერო პირნი დემოკრატი-  
ზმისათვის მავნებელნი არიან ხელაღებით, მა-  
შინ აღარ ივარგებენ მასწავლებლებად აღარც ვაქართა, არც თავდა-აზნაურთა და შეძლე-  
ბულ ხლებთა შვილები. ნუ დაგავიწყდებათ, ბატონებო, აბუჩად აგდებული სახარების სი-  
ტყვები:

„სამკაღნი ფრიად არს მსოფლოდ მუშაკნი მღირედ“.

## რესპუბლიკა და ჩვენი ეკ- ლესია, III\*)

„უწმიდეს“ სინოდის უღელ ქვეშ არც თვით რუსეთის ეკლესიას ედგა სახარბიელო დღე, მაგრამ მასთან შედარებით ჩვენი ეკლე-  
სია ხომ სრულებით იმ უბატონო მიცვალე-  
ბულს წარმოადგენდა, რომელსაც დიდ სა-  
ავადმყოფოს ანატომიურ განყოფილებაში შე-  
უბრალებლად ჩიჩქნიან და ლუკმა-ლუკმად სჭიან, რომ მკვდრის სწეულებათა შესწა-  
ვლით ცოცხლებისთვის სასარგებლო სამე-

\*) „ახ. სიტყვა“ № 6.



ქართული  
ლიტერატურა

ცნიერო ჭეშმარიტება აღმოაჩინონ, რნ კიდევ ძვლებს აცლიან და მავთულით ერთმანეთზე აკოწიწებენ, რომ ამნაირად შემდგარ ჩონჩხზედ თვალნათლად შეასწავლონ ადამიანის სხეული მომავალ მკურნალებსა. გარდა უფლებათა აყრისა, შინაგან შუღლის ხელოვნურად შექმნისა, ცოცხალ ძალების ჩაშრეტის და უთვალავ თვალმაქცობა საძაგლობისა, რაც კი შეეძლო ჩაედინათ ეგნატიევა-რასპუტინების აგენტებსა, პირველად ქართულ ეკლესიაში და ჩვენს თავზედ ხდებოდა ყოველნაირი საექვო აპერაცია და ახალ ზომების გამოცდა. თუ ეს ექსპერტიზა არ გამოდგებოდა, ამითი თვით რუსეთი არას აგებდა. პირიქით, ორს ერთი მორგეზე უკეთეს მიზანს აღწევდა—სათუო საშვალების გამოცდას და იმავე საშვალებით ჩმოუსვენარ ქართულ ეკლესიის ხელოვნურად დაქვეითებას.

სწორედ ამ მიზნისათვის სასურველი იყო სამღვდლოების და სამწყსოს შუა გადაუღალი უფსკრული, საჭირო იყო ერის ურჩი, მთავრობის მორჩილი და თავისდათავად შეუგნებელი, განათლებას მოკლებული სამღვდლოება,—და მთელი რიგი ყოფილ ექსარხებისა გამოუკლებლივ ამ გზას აღდგენ. ამათში აღექსი პირველი ყველაზე ნაკლებ ჭკვიანი და, ალბად ამიტომ, ყველაზე უფრო გულახდილი იყო. და ის ხშირად საჭიროდ ამბობდა: ქართველ მღვდლისთვის ისიც საკმარისია, თუ ჯამაგირის მიღებაზე ხელის მოწერას შესძლებსო.

და მართლაც, უვიცო და უნიჭოთ ფართო გზა ჰქონდათ გაშლილი სამღვდლოების წრეში. ნასწავლთ და ნიჭიერთ ან წინდაწინ გზას უხმობდენ რომმ ს გულიდან ამოეგლიჯათ ყოველი სურვილი საკურთხეველის სამსახურისა, ან მრავალ ნაცად ზომებით ისე „მონაუზრებდნენ“, რომ საერთო მიმდინარეობისათვის „საშიშნი“ არ ყოფილიყვნენ. დასაწყის კლასებიდან გამოგდებულნი, ყოფილი პოლიციელი, უვარგისი მოხელე, მონასტრის ნალიკვანარი, გაკოტრებული წვრილი ვაჭარი—აი ვის ეძლეოდა იმ დროებით მღვდლობის ადგილი. საზღაპრო და ხშირად დაუჯერებელიცაა რუსეთის სამღვდლოების გაუნათლებლობა, მაგრამ იქ სამწყსოც უმეტეს ნაწილად განათლების პირველ საფეხურზედ, ნახევრად ველურ მდგომარეობაშია. ჩვენი ერი კი რუსის ხალხთან შედარებით მთელ საუკუნოებით წინა სდგას,—და თუ ამ განსხვავებას ვიქონიებთ სახეში, სამწყხაროდ უნდა

იოქვას, რომ ჩვენი სამღვდლოება, რუსის სამღვდლოებასთან შედარებით დაწინაურებული, თვის სამწყსოსთან შედარებით დაბალ განათლებისა და ჩამორჩენილია. ჩვენში ძნელად იზოვით სოფელსა, სადაც ერთი მაინც არ იყოს უმაღლესი სწავლა-მიღებული, მაგრამ უმაღლეს განათლების სამღვდლონი ჩვენში სულ მარცხენა ხელის თითებზე ჩამოთვობიან და ისინიც... სულ სხვა საქმეებს უფრო ანდომემენ დროსა, ვიდრე ეკლესიას და სამწყსოსა...

მაგრამ ეს ჩამორჩენილობა შემთხვევითი როდია. მთელი მექანიზმი გაძარცვულ და დაგვარებულ ეკლესიისა ისე იყო მომართული, რომ იმ მათხოვრისებრ მცირე სასყიდლით, რასაც მღვდლობა იძლეოდა, სწავლა მიღებულნი იშვიათად ბედავდნენ ჯვარანაფორის ტვირთვას, მაგრამ ესევე სასყიდელი საკმარისიც იყო და სანატრელიც იმისთვის, ვინც სხვა არაფერში ვარგოდა და ამიტომ სიამოვნებით მიდიოდა მღვდლოდა.

ჩვენის ეკლესიის განთავისუფლებიდან წლინახევრის გამოცდილებამ დაგვიმტკიცა, რომ არსებული და ამნაირი სამღვდლოება კიდევ შეეგუება ეკლესიას, თუ უკანასკნელი ისევე სახელმწიფოს მფარველობის ქვეშ, ისევე უტყვი და სულმლაფავი დარჩა. მაგრამ სხვა რესპუბლიკების ისტორია გვეუბნება, რომ ამ განვითარების და სულიერ განწყობილების სამღვდლოება პირველ დღიდანვე იწყებს არაჩაობასა და არ-არსებობისაკენ დენას, როცა ეკლესია სახელმწიფოს ჩამოშორდება. ისტორიულად კვლად გაიშხუილებს ჰაერში ის შოლტი, რომლითაც ჩვენმა მაცხოვარმა მოვაჭრენი განდევნა ტაძრიდან. მრავალი ჩვენგანი ნება-უნებლივ დაუბრუნდება ძველს ხელობას თუ სხვაგან მოსძებნის თავისთვის უფრო შესაფერის საქმეს. მრავალნი, დღეს მძღარნი და მოპარპაშენი, გულის მწარე ტკივილით მოიგონებენ საამო წარსულს,—და, პირიქით, მრავალნი, დღეს უკუგდებულნი და უჩინარნი, წინ წაიწვევენ და შემოქმედებითის ხელებით დაატრიალებენ წმიდა საქმეს.

სწორედ მაშინ მოხდება ეკლესიაში და ჩვენს წრეში განახლება და ყოველ ღრებულებათა ხელმეორედ შეფასება—და იქნებიან „პირველნი უკანასკნელ და უკანასკნელნი პირველ“. ეს იქნება ნამდვილი ლოგიური გაგრძელება 1917 წლის 12 მარტის აქტისა. მღვდელი, როგორც ქურუმი და მოხელე,



ისტორიის ჩაბარდება და მის ადგილს დაიკვრს მოწოდებით მწყემსი, გულით მოძღვარი, ცოდნა-განათლებით აღჭურვილი მასწავლებელი.

რასაკვირველია, ასეთი მეთამორფოზა უცებ და ერთის ხელის გაქნევით არ მოხდება. პირველი შედეგი იქნება რიცხვობითი შემცირება სამღვდელოებისა. მღვდლები ისე ყოველ ნაბიჯზედ არ შეგვხვდებიან, როგორც დღეს არის. ბევრი სამრევლოები შეიძლება ხანგრძლივ დარჩნენ მეზობელ მღვდლების ამარა. მაგრამ ეს არაფერ საშიშს არ წარმოადგენს. ის ურჩევნია საქართველოს ხუთიოდე ზეგარდმო ცეცხლით აღვხებულნი იოანე, სალიკლდესავით მტკიცე პეტრე და უშრეტენერგით მჩქეფარე პავლენი ჰყავდეს, ვიდრე ათასობით ჩვენისთანა უფერულ-უსიცოცხლონი.

განვლენ დრონი. დღეს ზნებრივად აწეწილი და პარტიებად დაქსაქსული ერი გონს მოვა—და ჩვენ შიაც, როგორც ყველგან და ყოველთვის ასეთ მდგომარეობის შემდეგ შეიგნებენ ნამდვილ სამღვდელოების დიად ფასსა და მნიშვნელობას. თვით ხალხის, თვით სამწყსოს შეგნებით საჭირო გახდება, რომ მწყემსი მხოლოდ მწყემსი უნდა იყოს და მაშასადამე, თავისუფალი ყოველნაირ სხვა ზრუნვისაგან და ქონებრივად უზრუნველყოფილი.

და აი აქ, მხოლოდ მაშინ, მაგრამ მკვიდრად, შეგნებულად და თვით სამღვდელოების ცდა-თხოვნის გარეშე დაისმევა საკითხი სამღვდელოების ქონებრივ უზრუნველყოფის შესახებ. უნდა ვიგულისხმოთ, რომ ამ საკითხის გადაწყვეტაში ჩვენი ნორჩი სახელმწიფო პირველ ხანებში მაინც სხვა მოწინავე სახელმწიფოებს მიჰბაძავს. ამისთვის საჭიროდ მიგვაჩნია გავიცნოთ, როგორ და რომელ წყაროებიდან არის უზრუნველყოფილი სამღვდელოება საზღვარ გარეთ,—და ამ ცნობებს ჩვენ შემდეგს წერილში მოვიყვანთ.

მღვდ. ილ. შუბლაძე.

### მცირე შენიშვნა.

მეტის მეტად სამწუხარო ამბები გვესმის ჩვენი უმაღლეს სასულიერო დაწესებულების შესახებ. პირველად თუ საზოგადოება არ აქცევდა ამას ჯეროვან ყურადღებას, ეს იმისთვის, რომ იმედი ჰქონდა მოკლე ხანში მოიხსობოდა ის საზიანო ურთიერთობა რომელიც

დამყარდა ერთის მხრით კათოლიკოსისა და მეორეს მხრით საკათოლიკოსო საბჭოს წევრთა შორის.

დასმულ კითხვების განხილვის დროს არავის არ აქვს ნება იხელმძღვანელოს თავჯდომარეობით და პირადი სურვილებით. ყველამ სიმართლის წინაშე უნდა მოთხაროს თავი.

ვეჭრობდით, უთანხმოება, აშენებული თავმოყვარეობაზე, ადგილს მალე დაუთმოზდა ერთსულოვანობას. მაგრამ, როგორც ეტყობა, ეს უთანხმოება რაც დრო გადის უფრო და უფრო მწვავედება და ძლიერდება.

ვინ იტყვის, რომელიმე საკითხის გარჩევის დროს სხვა და სხვა აზრის გამოთქმა საჭირო არ იყოს. ერთი ჭკუა კარგია, მაგრამ ორი უკეთესიაო, ნათქვამია. ამისათვის არის შემოღებული კოლლეგიური მმართველობები, კრებები. ერთი კაცი როგორი ნიჭიერიც უნდა იყოს, მაინც ვერ შესძლებს სხვების დაუკითხავად და დაუბმარებლად რიგზე აწარმოვოს საქმე. ერთმა რომ წარმოსთქვას რაიმე აზრი და სხვებმა ხმა ამოუღებლივ მიიღონ ის, რომ არავის ვაწყენიოთო, რა გამოვა? ყველას უნდა ჰქონდეს უფლება თავისუფლად, უშიშრად გამოსთქვას თვისი აზრი ამა თუ იმ საგნის განხილვის დროს. ასეთი წესრიგი საჭიროა სუფევდეს არამც თუმარტო პარლამენტში და საზოგადოთ სამოქალაქო დაწესებულებებში, როგორც ზოგიერთს ჰგონია, არამედ საეკლესიოშიაც. ვინ არ იცის მაცხოვრის მოწაფეები როგორ ბეობდენ, ერთმანეთის წინააღმდეგ გამოსთქვამდნენ ამა თუ იმ საჩუქუნოებრივ და ზნებრივ კითხვის განმარტების დროს თავიანთ აზრებს? ვინ არ იცის მსოფლიო და ადგილობრივ საეკლესიო კრებებზე წმ. მამები როგორ გამწვავებულად არჩევდნენ ყოველ საკითხს, მაგრამ ეს მათ ღირსებას სრულკბითაც არ ჩრდილავდა, მათ წინააღმდეგ საზოგადოებას არა უთქვამს რა. ამ კრებების სარგებლობას ყველანი აღიარებდენ. მაგრამ, როდესაც კრებებზე მსჯელობა მიიღებს კინკლაობის ხასიათს, როდესაც მათი მონაწილე, მით უმეტეს ხელმძღვანელი, ცდილობს თვისი აზრი გაატაროს, თუნდაც იგი უსაფუძვლო იყოს, ეს დიდათ სამწუხაროა და საზოგადოებისათვის მავნებელია. სიმართლე, სიმართლე და სიიართლე, რაც შეიძლება ყველგან და ყოველთვის, თუ უნდა საზოგადოებას იცოცხლოს. თუ კი სიყალბე, ტყუილი იფარფაშებს, თუ კი მართალნი დევნულნი იქნებიან



და მაცდურნი, ბიწიერნი თავადებულნი ივლიან და მათ სიტყვას გავლენა ექნება, რაღა გარჩევა იქნება ჩვენი განთავსუფლებული ეკლესიის და ყოფილი სინოდალური მართვა-გამგეობათა შორის? ამბობენ რაც ახლა თვითნებობა არის საკათოლიკოსო საბჭოში, თავის დღეში ყოფილ სინოდალურ კანტორის დროს არ ყოფილაო, ბატონობა მაშინ კი არა, ახლა არისო. ამისათვის ზოგიერთნი საბჭოდგან გამოსვლასაც აპირობენო. თუ ეს მართალია, ვაი ჩვენი ბრალი! სჩანს ჩვენი იმედები გაცრუვრენენ. რისთვის გვიხაროდა ავტოკეფალია? რისთვის გყვიროდით „მონობის ჯაჭვები დავამსხვრიეთო“?

ქეშმარიტების, სიმართლის ძიება აი რისთვის ვეტრფილებოდით ჩვენი ეკლესიის განთავსუფლებას და რასაც უნდა შეუწყონ ხელი ჩვენი უზენაეს სასულიერო დაწესებულებების მესვეურებმა. პარად ჟინიანობას ადგილი არ უნდა ჰქონდეს არსად და ნამეტურ დასახელებულ მმართველობაში.

მორწმუნე ქართველი.

1918 წ.

ივნის. 8.

**მარტის ავტოკეფალისტები.**

ყველას მოეხსენებათ რუსეთში, და უფრო კიდევ ჩვენში, 1917 წლის თებერვლის შემდეგ ბევრმა ვაჟბატონმა, ნაძირალებად წოდებულებმა, თავის თავი გამოაცხადეს სოციალისტებად, რომ რაიმე თბილი ადგილი ეშოვნათ სოციალისტურ მთავრობისაგან. ამ ჯურის სოციალისტებს ჰქვიანთ შესაფერისი სახელი: „თებერვლის სოციალისტები“.

ამის მსგავსი მოხდა საქართველოს საეკლესიო ცხოვრებაშიაც ბევრმა ისეთმა პირმა, რომელნიც ძრს უთხრიდენ საქართველოს ეკლესიისა და ერის საქმეს, ან უკეთეს შემთხვევაში გულგრილად უცქეოდენ მათ დამცირებას, 1917 წლის 12 მარტს აქეთ გამოაცხადეს თავისი თავი საქართველოს ავტოკეფალურ ეკლესიის მოღვაწეებად, რომ ამით შეგუებოდენ ახალ გარემოებას. ამისათვის ჩვენ ასეთ ჯიშის ავტოკეფალისტებს უნდა მივაკრათ შუბლზე დადი წარწერით: „მარტის ავტოკეფალისტები“.

ასეთ პირთა ჯგუფს ვაკუვრენთ „ახალ სიტყვის“ №12-ში მიტროპოლიტი ანტონი, და მასვე ეკუთვნიან ყველა მისნი მეგობარნიც. ამ ჯგუფზე ითქმის ანდაზა: „სადაც

ერდო მაღალია მეც იმისი მაყარი ვარ“. ამის ნეთ ეგზარხოსებსა, ნამესტნიკებსა და მათ ცოლებს ვეყმობოდით და ახლა კი განახლებულ ეკლესიასა და სამშობლოსა, და თუ დაგვიჩრდა, ისევ იმ ძველ მეგობრებს დავუბრუნდებითო, — აი მათი ცხოვრების ფილოსოფია.

ჩვენ პირადობა არ გვინტერესებს, მაგრამ ყოველი საქმე ფუჭდება, ან კეთდება ვინმეს მონაწილეობით, ამიტომ პირადობის ხსენებაც ზოგიერთ შემთხვევაში აუცილებელია. განსაკუთრებით საჭიროა ისეთის პიროვნების შესახებ, რომელსაც აქვს ნიჭი და ხერხი შეეგუოს (დარვინც თეორია) როგორც ძველს, ისე ახალ რეჟიმს, მიიღტვის პირველობისაკენ, საქმის სათავისაკენ. და ჩვენთვის ცხადი და გამოჩვენებულია, თუ წყალი სათავეში მოწამლულია, ამისთანა წყლის დაღვევა ფრიად მავნებელია.

„ახალ სიტყვის“ მექვე ნომერში დასტამბულ ანტონ მიტროპოლიტის წერილში იგი თავის თავს უწოდებს ავტოკეფალის მოღვაწედ, მაგრამ ამაში ვერ ღავეთანხმებით მას. მართალია, ანტონ მიტროპოლიტი საქ. ეკლესიებით მმართველობის წევრი იყო, მაგრამ იმ ხანად სხვა და სხვა მოსაზრებით ხელსაყრელი არ იყო საერთო საქმისათვის გამოზგუტრებულიყო მისნი „საქმენი საგმირონი“, თუმცა თვით დროებ. მმართველობის ერთ ერთ სხდომაზე ერთმა ადამიანმა, დღეს მისმა გულითააღმა მეგობარმა, უწოდა მას რასპუტინის „სტავლენიკი“.

თუ როგორი ბურჯი იყო საქართველოს ეკლესიის ავტოკეფალიისა მიტროპოლიტი ანტონი 12 მარტამდის, მოვიყვანთ ამის საბუთებს, რომელნიც გამოქვეყნებულიქმნენ „ახ. სიტყვის“ თანაშემრომლებსაგან იმაზე ბევრად წინ, სანამ მიტ. ანტონი გარეგოლიუციონერდებოდა. მაგრამ ამაზე შემდეგ.

სოხროიანი.

**სმენა ხომ არ მღალატობს?**

Amicu Plata, sad madis amiea veritas.

კილოიანი ქართული კითხვა-გალობა დღეთის მსახურე ის ღირსება და სამკაულია. თუმცა მოიპოვებიან კარგი მკითხველმგალობელნი სასულიერო პირნი დღეს, მაგრამ იშვიათად. ძველ საქართველოში კი იყვნენ, თურმე, საუცხოვოდ დახელოვნებულნი ამ მხრივ.



ერთმა პატივცემულმა, მსცოვანმა სასულიერო პირმა გადმოცა შემდეგი ძველი ამბავი. საქართველოს კათ. მოახსენეს რომ გენათელს ჰყავს ისეთი წიგნის მკითხველი, რომ სულ ზეპირად შეუძლია სთქვას მწუხრის, ცისკრის და სხვა წასაკითხავებიო. კათოლიკოსს არ სჯეროდა. ერთხელ გენათელი თბილისში იყო თავისს საქებურის მკითხველის თანხლებით. მკითხველი მიიწვიეს საკათოლიკოსო ტაძარში ცისკარზე, დააყენეს საწიგვობელზე და უბრძანეს ზეპირად უნდა მოეხმარა ცისკარზე მღვდელსაო. წიგნის მკითხველმა ცოცხელივე საკითხავ-საგალობლები მართლაც ზეპირათ სთქვა თავ თავის დროზე (წიგნები დაუმაღეს წინდაწინზე). დამსწრე კათოლიკოსმა ძალიან შეაქო ეს იშვიათი საეკლესიო წიგნის მკითხველი. ასე ყოფილა ძველად. დღეს კი არც კითხვა და არც გალობა არ სრულდება ზეპირიანად ყველასაგან, მაგრამ იმას კი ვერ წარმოვიდგენდი, თუ საქართველოს ეკლესიის თავს, კათოლიკოსს, სახარებისა და სხვა საეკლესიო წიგნების კითხვა არ ეცოდინებოდა.

მირონის კურთხევას დავესწარი წელს დიდ ხუთშაბათს. მწირველი ბრძანდებოდა კათოლიკოსიც. თავის დროზე მოართვეს წიგნი რომ წაეკითხა შესაფერი, მირონის საკურთხეო ლოცვები. შენს მტერს, რაც შე სირცხვილში ჩავეარდი. ჩემს ყურებს არ ვუჯეროდი, როცა ვხედავდი და მესმოდა, თუ როგორ ბოროტობდა ყოველ სიტყვაზე პატრიარქ-კათოლიკოსი, როგორ ჩერებოდა სიტყვების ამოსაკითხავად და ბოლოს მრავალს მათგანს მიინც ვადამახინჯებულ-გადასხვაფერებულად ამბობდა. როგორც ვატყობდი, თანამწირველნი სასულიერო პირნიც ჩემსავით იტანჯებოდნენ ამ უსიამოვნო სანახაობით. ამ ამბავმა ფრთხილ გამაოცა და მწარეთაც დამაღონა, განა მარტო დიაკონსა და მღვდელს მოეთხოვება კარგი კითხვა საეკლესიო წიგნებისა და მათს უფროსებს კი არა? თუ სასულიერო პირს არ მოეპოვება ნიჭი ორი სიტყვა გადაბას ერთმანეთზე ქადაგების სათქმელად, წიგნის კითხვა მიინც უნდა ვხერხებოდეს

ბოდიშს ვიხდი მკითხველების წინაშე, მაგრამ სიმართლის თქმისთვის, მგონია, ვერავინ დამზახავს. და თუ ჩემი ნათქვამი ტყუილია, გამოაცხადონ მათ, ვინც კირიონ კათოლიკოსთან თანამსახურებენ ხოლმე. მე კი აღნიშნულ ამბავის გარდა რამდენჯერმე და-

ვესწარი კათოლიკოს პატრიარქის წირვა-ლოცვას და იგივე ნაკლულეფანება ვნახე. დედამიწის ზურგზე არ უნდა მოიპოვებოდეს კიდევ პატრიარქი, რომ სახარებისა და ლოცვების წაკითხვა არ იცოდეს. სმენა ხომ არ მალატობს?..


ერ. ხერხეულიძე.

## კირიონ კათოლიკოსის წირვა და სიონის წაბილწვა.

მეტად აღმაშფოთებელი ამბავი უნდა ვაუწყოთ ჩვენ მკითხველებს. კათოლიკოს კირიონის მეოხებით სიონის ტაძარი წაბილწა. „ახალ სიტყვის“ მეხუთე ნომერში ბ. ბაბასინი აცოხებდა საზოგადოებას, რომ კირიონმა შემოირტყა გარს უღირსი და ეკლესიის სიწმიდის შემბლაღველი პირებიო. ერთ ასეთ პირად ნაჩვენები იყო ვინმე მღვდელი პაჩიკოვი, რომელიც ლოთობისა და სხვა მრავალ უღირსებისათვის 25 წელიწადია გადაყენებულ იყო სასულიერო მთავრობისაგან და უადგილოდ დაეხეტებოდა ტფილისში. იმის მაგივრად, რომ ჯმნულ ყოფილიყო კათოლიკოსი ასეთ პირთაგან, მან, სიმართლის მთქმელთა გულის მოსაკლავად, აიღო და 13 ივნისს (ახ. სტ.), დღით ამალეებას, დააჯილდოვა სიონში წირვის დროს მდ. პაჩიკოვი ოქროს ჯვრით (მოაქვრილო). რისათვის?—პაჩიკოვს ეკლესია არ აბარია და არაფერი, ნუ თუ სამიკიტნოვში სიარულისათვის? სამარცხვინოდ დაწყებული საქმე წარმოუდგენლად სამარცხვინოდ გათავდა. ღორმუცელას, სიონში შესვლის და წირვაზე მიღებულ ზაპარების უღირსს პაჩიკოვს დაემართა იქვე ტრაპეზთან წირვის დროს, მწირველ თავის მწყალობელ კათოლიკოსის გვერდით, საშინელება... იმის ფეხებთან დადგა ადამიანის სიმყარის გუბე..

შემდეგ საკურთხეველიდან იქვე მარჯვენა მყოფ საღაროში შევარდნილმა უღირსმა მღვდელმა სულ ერთიან მოსვარა და წაბილწა ტაძარი. მწირველთა კრებულის, მგალობელთა გუნდის და დამსწრე მღვდელთა აღშფოთებას საზღვარი არ ჰქონდა. მგალობლებმა კათოლიკოსისადმი პროტესტის ნიშნად ტაძრიდან გამოსვლისას „ისპოდოლია“ აღარ უგალობეს მას.

დრო არის, კათოლიკოსის თვითნებობას და თავგასულობას ბოლო მოეღოს. მან სა-



კმარისად შეგვარცხვინა ჩვენ მათელს ქვეყანაზე თავის ცრუმცენიერულის გამოკვლევით: „Краткий очеркъ истории Грузинской церкви за XIX столѣтіе. Тифлисъ 1901 г.“, რომელშიდაც კათოლიკოსი კირიონი ასეთ მარგალიტებს აფრქვევს რუსეთის სინოდის სახობტოდ: „საქართველოს ეკლესია კეთილდღეობაშია, ხალხის სარწმუნოებრივ — ზნეობრივი სხვა და სხვა მხარეები საქართველოს რუსეთთან შეერთებიდან ასი წლის განმავლობაში შესამჩნევად ამოღლდა, გაუმჯობესდა და თანდათანობით მშვენიერდება სულ ახალ ახალი სააგებობითა“ (გვ. 16).

ეს ქვეყნისთვის მოღალატური სიტყვები მიახალეს სინოდში კირიონს პირში 1906 წელში და ამანაც წარბ შეუხრებლად მიუგო: „საიუბილეოდ გამოვეცი რუსეთთან შეერთებიდან ასი წლის განვლისა გამო ის წიგნი და შიგ რაც წერია, ერთი სიტყვაც არ არის მართალიო“. ამას არ გვაკმარა კირიონმა. დღეს ხომ უფრო აუტანელ სირცხვილში გვავადებს. ასეთი კაცი საქართველოს ეკლესიას დაღუპვის მეტს ვერას მოუტანს, და კიდევაც ჰდღუპავს მას. კაცმა ჰმალა ჭირი, მაგრამ ჭირმა კი თავი არ დაძალო, ჩვენ ვგმობთ კათოლიკოსის მოქმედებას, მისგან დაცინვას საქართველოს ეკლესიაზე (სამღვდლოებასა და მორწმუნეებზე). საკათოლიკოსო საბჭოში კი დღესვე უნდა აუკრძალოს კათოლიკოსს სხვის ეპარქიის მღვდლებს თავის ჟინიანობით ურიგოს ჯილდოები. ვისაც ეს ჯილდოები უკანონოდ მიუღია მისგან, ყველას ჩამოატრავს და მათ საეკლესიო კანონების მიხედვით დაედოს სასჯელი. ამას გარდა, 13 ივნისს სიონში მომხდარ თავმოსაჭრელ ამბავზე მოხდეს სასტიკი გამოძიება, რაზედაც შესდგეს ოქმი მომავალ საეკლესიო კრებაზე წარსადგენად, რომ შესაფერი მსჯავრი დაედოს მას, ვისი მეოხებითაც ასე უმაგალითოდ შეიბღალა პაჩიკოვისაგან ქართველთა სიწმიდე—ჩვენი ქაღარა სიონი.

სადღა გამოგყოთ თავი? ამაზე მეტი გათახსირება უნახავს კიდევ ჩვენს ეკლესიას? ვისაც ცოტათი მაინც შეგტკივთ გული სა-

ქართველოს ეკლესიისათვის, ამოიღეთ ნმა! მღვდელმთავარო, მოძღვარო, მორწმუნეო განუგეშეთ, გვიშველეთ!

ჯაჭვადე.

## ჩემი პირველი ჯილდო.

(წარსულის მოგონებიდან).

190—წელს ვმსახურებლ კ-ს სამრევლობი. ამავე წლის ზაფხულს მახლობელ დაბაში, ექსარხოსმა ალექსიმ აკურთხა ეკლესია და რადგანაც ჩემი სამრევლო მარჯვედ იყო გზაზედ, რომლითაც უნდა ემგზავრა არა ნეტარ—სახსენებულს, სურვილისამებრ კეთილ-მოწესისა, ინახულა ჩემი ეკლესიაც. არქიერის ჩვეულებრივი შეხვედრისა და მისალმების შემდეგ მიწყალაბეს პირველი ჯილდო (საგვერდული). რომ გათავდა ეს საზეიმო სტუმრიანობა—მომდის კეთილ-მოწესისაგან შემდეგი შინაარსის წერილი: „მამაო—ე! გილოცავ ახალ მიღებულ ჯილდოს, საღბინოდ გახმაროს და გისურვებ სხვა ჯილდოებიც თავის დროზე მიგეღოს. საქმე აი რაშია: დაბიდგან ჩემამდე ექსარხოსის მგზავრობაზედ მეეტლებს მივეცი ორმოცი მანეთი, იმედია ამ ხარჯს, თუ სულ არა, ნახევარს მაინც იკისრებ. შეგიძლია ეკლესიიდგან მომეცე. ბლალ. მღვდელი ე. ე. 190—წ. მკათათვის მ.“ თქვენს მტერს, რომ ასეთმა წერილმა მე თავს ბრუ დამახვია!—ეკლესიას ნივთიერად ნატისუსალი ასდიოდა, პირადად—მცირე მრევლის და ოჯახით დატვირთულს რა მქონდა—რა უნდა გამეგზავნა? თვალის დასანახავად შემზიზღდა საგვერდული და გადავსწყვიტე არც მენმარა და ნამსახურებითი სიაშიაც არ შემეტანა. ასეც მოვიქეცი. მაგრამ წლიური ანგარიშის წარდგენის შემდეგ მ. „ბლალოინმა“ ნამსახურებითი სიაში მომცა შენიშვნა რუსულად—„რად არ შეიტანეო?—მომავალში თუ არ შეიტან მთავრობასთან დაგასმენო“! რაღას ვიზამდი—თუმცა სიაში შევიტანე, ჩემი გაუბედურების ამბავი, მაგრამ ჯილდო არ მიხმარია. მკითხველო! აღწერილი შეთხზული არ გეგონოს—ფაქტია. აი, როგორ და რისთვის გვაჯილდოებდნენ წარსულში!

მესხელი.

# ქრონიკა.

7 ამ თვეს ხარფუხის წმ. ნიკოლოზის ეკლ. სამრევლო საბჭომ დაადგინა: მიეცეს თვითურად ქურნალი „ახალი სიტყვის“ რედაქციას სამი თუმანი ეკლესიიდან და მიიღოს საბჭომ ყოველივე ზომა, რომ ეს ქურნალი გავრცელდეს ხარფუხის სამწყსოში.

**300 ათასი მ. გატაცება.** 30 მაისს ნაშუადღევს 2 საათზე შეიარაღებულმა პირებმა თავისუფლად და სულ ადვილად გაიტაცეს საგუბერნიო სასურსათო კომიტეტიდან 300.000 მანეთი. მცარცველები მიიმაღენ. როგორც ამბობენ, ციხე შეიწინდგან არის გატეხილიო. ჩვენის აზრით პასუხსაგებ ადგილებზე უნდა ინიშნებოდნენ საიმედო პირნი, მიუხედავად მათის პარტიულის დაღისა („იარლიკისა“). დღეს თბილ ადგილების მისაღებად ათასი არამზადა აცხადებს თავის თავს ამა, თუ იმ პარტიის კაცად“...

**სიტყვების არევა.** „ახალ სიტყვის“ მესამე და მეოთხე ნომერში იყო მოხსენებული, რომ საკათოლიკოსო საბჭოში დასახელებული იყო გამგედ ალექსი დავიდოვი, რომელიც მსახურებს დღეს ეგრედ წოდებულ რუსთა კავკასიის სინოდალურ კანტორაში. ზოგიერთებს გაუგებრობით ხსენებულ ალექსი დავიდოვის უარყოფითი დახასიათება მიუკუთვნებია საქართველოს ეკლესიის დროებით მმართველობის ყოფილ და ახლა კი ტფილისის სამიტროპოლიტო საბჭოს მდივანად მყოფ დავით (დათიკო) დავათაშვილისათვის. რედაქცია მიაქცევს თავისს მკითხველთა ყურადღებას ამ შეცდომაში.

**ეროვნულ დროშის უგულვებლს ყოფა.** 26 მაისს საქართველოს რესპუბლიკის დამოუკიდებლობის გამოცხადების დღეს, სასახლის თავზე აღმართულ იქნა ეროვნული, ქართული დროშა, რაიცა სრულიად ბუნებრივი იყო, მაგრამ იმავე დღეს საქართ. მთავრობის განკარგულებით ჩამოხსნილ იქმნა და მისს მაგიერ აღმართეს რუსულ წაწერიანი სარევილიუციო დროშა. გაზ. „ერთობის“ 29 მაისის №-ში ამ ამბის შესახებ ნათქვამია, ქართული ეროვნული დროშა აღმართეს ქართველმა შავრაზმელებმა და კიდევ ჩამოვხსნე-

ნითო. სად გაგონილა მთავრობის მიერ თავის ეროვნული დროშისადმი ასეთი მოქცევა?

ჩვენ გვთხოვენ გამოვაცხადოთ, რომ მე-6 №-ში შეცდომით იყო მოხსენებული, რომ ქათალიკოსი მწირველი იყო დასახელებულ თანამწირველებითურთ ანჩის ხატის ტაძარში; იმ დღეს წირვა ყოფილა თვით კათალიკოსის კარის ეკლესიაში.

**სულთანის მოხსენიება.** ოსმალეთისა საქართველოს შორის საზავო ხელშეკრულების მე-6 მუხლის ძალით საქართველოს საზღვრებში მუსულმანებს ნება აქვთ მგზეთებში მოიხსენიონ ლოცვაზე ოსმალეთის სულთანი. მუსულმანებს ნება აქვთ სასწავლებლებში საღვთო სჯული ისწავლონ. იმავე ზავის პირობაში ბათუმ-ახალციხე-ჯავახეთის ქრისტიან ქართველებზე არაფერია ნათქვამი. რათა ნეტავი?

**მოსკოვის პატრიარქის და მთავრობის მოხსენიება.** ტფილისის რუსთა ეკლესიებში იხსენიებენ უდიდ უფალს სრულიად რუსეთის უწმიდეს პატრიარქს ტიხონს და სრულიად რუსეთის ხელმწიფებას (царства).

ჩვენ ვამბობთ, ეს არაფერი, ეს არაფერი... ასე თუ ვიარეთ ჩვენი დამოუკიდებლობის ხსენებაც კი გაქრება, ვითარცა კვამლი.

ხარფუხის სამრევლო საბჭოს უმწეოთათვის დახმარებელმა კასამ ამ თვეში მისცა პურის სასყიდლოთ: 1) ისაკ გურგენიძის ობლებო—15 მ., 2) გიორგი კოვლელაშვილისას—10 მ., 3) მათე ბერიანიძისას—10 მ., 4) ალექსანდრე კეშიშოვისას—10 მ., 5) ქვრივს მაგდანე ლელაშვილს—10 მ., 6) ქვრივს ტასო აივაზოვს—10 მ., 7) ობოლ ქეთო ბერძენოვს—10 მ., 8) უძღურ გიორგი დიმიტრაძეს ცოლით—15 მანეთი; 9) გიორგი ბუმშიევს—10 მ., 10) სონა წაწუნაშვილს 10 მ. და—სდ 110 მანეთი და კასაში დარჩა 30 მანეთი.

გამომცემელი „ახალ სიტყვის“ სარედაქციო კოლლეგიის რწმუნებული დეკ. ქრ. ციციქიშვილი.